

M348: Jena-Weidaer Urkunden

- 1,1 wir . Sîvrit Buckel . unde Kuonrât Schetin / des râtes meistere zuo Jene .
unde alle di anderen di zuo
- 1,2 deme râte aldâ selbes gehoeren . Walther Rise . Herman Schütze . Trote .
Heinrich wînzûrl . Johannes
- 1,3 von Halstete . Kuonrât von Rôde . Dieterich Vranke . Johannes von
Niuwenburc . unde Johannes
- 1,4 von Apolde . bekennen unde geziugen offenbârlîche in diseme
geinwertigeme brieve . – daz di
- 1,5 prediger bruodere di mit uns in unserre stat wonen . zuo Týzele Reinvide
. reht unde
- 1,6 redelîche gekoufet haben zuo eineme steingraben . von deme wîngarten der
dâr an stoezet . al daz vleck
- 1,7 an der hoehe . an der breite . unde an der lenge inder / von deme santsteine
der obene
- 1,8 an deme selben berge ûz storret . biz hin nider in den grunt dâ di selben
bruodere einen
- 1,9 wainwec haben gemacht . umbe eine marke . unde umbe anderhalben
vierdunc . unde
- 1,10 daz di bruodere beide von Týzeles Reinvides wein . unde alle sîner
nâchkomelinge .
- 1,11 dâr an alle zît ungehindert belîben . sô haben wir in zuo geziugnisse dâr
über disen
- 1,12 brieve gegeben gevestenet unde bestetiget mit unser stat ingesigele . nâch
gotes geburt
- 1,13 tûsent jâr . drî hundert jâr . unde in daz sibenzehende jâr
- 2,1 wir Hartman von Lobedeburc . von Bercouwe genant der alteste / bekennen
unde geziugen offenbârlîche
- 2,2 in diseme geinwertigeme brieve / daz vrouwe Elisabete di dâ was witewe
hêrrn Hermannes genant von Mêhaine
- 2,3 ire hovestat . di si von uns zuo lêhene hatte dâ zuo Lobede / gap bî ireme
gesunden lîbe durch got vûre
- 2,4 sich unde vûre ires wirtes sêle deme convende der predigære ordenes zuo
Jenae / dâ si nâch ireme tôde begraben
- 2,5 wart / unde vûre unse unde alle unserre / vordern sêle gâben wir deme
selben convende an der selben
- 2,6 hovestat daz eigen / daz di bruodere / dâ mûgen eine herberge gebûwen
unde andern iren nutz geschaffen

- 2,7 êwiclîche / unde haben uns den selben bruoderen zuo voller vrîheit ires
eigenes vûre uns unde vûre alle unse nâchkomelinge
- 2,8 verzigen alle des rehtes daz wir an der vore genanten hovestat hatten eder
unse nâchkomelinge
- 2,9 haben scholten . unde daz di bruodere / weder bî unseme lebene eder
unseme tôde / niemant iemer gehinderen
- 2,10 müge / sô haben wir in dirre lange vore geschehenen dinge zuo eineme
êwigeme geziugnisse / disen brieve dâr über
- 2,11 gegeben bevestenet mit unseme ingesigele nâch gotes gebûrte tûsent jâr .
drî hundert jâr . unde in daz
- 2,12 ein unde zweinzigeste jâr . geziuge sint Heineman von Glîne . Heinrîch
Spilær der alte / unde sîn vetere Heinrîch
- 2,13 Spilær der junge / unde andere di wole geziuge sîn mûgen
- 3,1 wir Heinrîch der alteste vôt von Wîda genant bekennen unde geziugen
offenbêrlîche in diseme brieve / daz wir
- 3,2 reht unde redelîche haben geeigenet ûz deme dorfe zuo Sirwis ein halp pfunt
zinses den vrouwen zuo Wîda der
- 3,3 predigær ordenes êwiclîche / der dâ Kuonrâtes von Bercouwe hêrrn
Gêrhartes sunes was / zuo deme den selben zins Lintenberg
- 3,4 unde sîn hûsvrouwe koufeten zuo Elisabethen hant der Seckinne di in deme
vore genanteme ordene gote dienet
- 3,5 mit ireme gelte / alsô bescheidenlîche daz di selbe Elisabethe die wîle si lebet
/ unde nâch ireme tôde Katherine von
- 3,6 Machwitz ire swestertohter die wîle di ouch lebet zuo irere nôtdurft den
zins schulten in nemen . unde ob die wîle Elisabethen .
- 3,7 bruoderkinder eder swesterkinder – einz / in den orden in deme selben
klôstere entvungen wûrden / daz scholte ouch nâch in den
- 3,8 zins zuo sîner nôtdurft in nemen die wîle iz lebete . unde dâr nâch schol
der zins der vore genanten samenunge
- 3,9 dienen zuo den gemeinen bûchern êwiclîche . unde swelich vrouwe in
deme klôstere dâr zuo gesazt wirdet daz si
- 3,10 buochmeisterinne sî di schol den zins in nemen unde schol der samenunge
gemeine bûchere dâ mite bezzeren êwiclîche .
- 3,11 unde zuo eineme ganzen êwigeme geziugnisse dises koufes unde dirre
eigenschaft nâch alle der wîse dirre schrift
- 3,12 haben wir Elisabethen unde der samenunge disen brieve dâr über gegeben
bevestenet mit unseme ingesigele . unde
- 3,13 mit geziugnisse unses lieben vetern ingesigele . unde mit geziugnisse
Wolkînes von Polnitz der bî der eigenunge
- 3,14 was / unde mit geziugnisse Lintenberges der den kouf tet / unde mit
geziugnisse Gêrhartes unde ouch Gêrhartes von Bercouwe
- 3,15 di dâ bî wâren . nâch gotes geburt tûsent jâr . drî hundert jâr . in daz vier
unte zweinzigeste jâr .
- 4,1 wir Heinrîch der alteste vôt von Wîda bekennen unde beziugen
offenbêrlîche in diseme brieve

- 4,2 daz wir durch Heinrîches von Triptes / unses burgæres unde unses mannes
bete unde durch sînen
4,3 willen wan er lange unses vaters deme got genædic sî / unde unser dienær
gewest ist . haben
4,4 gegeben unde geeigenet der samenunge der gotesdienærinnen der bredigær
ordenes in unser stat
4,5 zuo Wîda . unde haben di eigenschaft geopfert ûf iren altær über daz guot
daz er von
4,6 uns zuo lêhene hatte unde uns ûf liez durch di sache daz wir iz eigeneten
aldâ selbes hin
4,7 vüre hêrrn Brûnes sînes vaters unde vrouwen Jutten sîner muoter unde
Kuonrâtes sînes bruoders sêle
4,8 unde alle sîner vorderen sêle heil di verscheiden sîn . des guotes daz er uns
ûf gelâzen hât
4,9 unde wir durch sînen willen der vore genannten samenunge gegeben unde
geeigent unde geopfert
4,10 haben in alle der wîse alse hier beschriben ist / des schol Johannes von der
Museln unde sîne nâchkomelinge
4,11 êwiclîche alle jâr von deme guote daz man nennet des pfaffen guot /
ahtehalben schillinc geben
4,12 unde von deme guote daz man nennet der übeln Hedewîge guot / ein halp
pfunt . sô schol Heinrîch von
4,13 der Museln in der selben wîse ahtehalben schillinc geben von deme guote
daz man nennet der Pêterinne guot .
4,14 sô schol di mûle zuo Wolvramsdoerf alle jâr zinsen . niun schillinge unde
zwei hûenere der iegelich zwêne pfenninge
4,15 gelte . unde einen lambes bûch der ahte pfenninge gegelten mûge . des
zinses schol di samenunge ein
4,16 teil zuohant in nemen / unde ein teil nâch Heinrîches von Triptes tôde nâch
deme alse hê mit in geredet .
4,17 unde daz dise redelîche gâbe unde dise eigenschaft di wir durch got in alle
der wîse als hier beschriben ist
4,18 williclîche getân haben / der selben samenunge êwiclîche ganz unde
unzuobrochen belîbe . sô haben wir in disen
4,19 brieve dâr über zuo eineme geziugnisse gegeben . nâch gotes geburt tûsent
jâr . drî hundert jâr . in daz
4,20 vier unde zweinzigste jâr . daz sîn geziuge unse bruoder der bredigær .
Lintenberc . Gêrhart von Bercouwe .
4,21 Heinrîch von Breitenbuoche unde andere êrhafte liute .
- 5,1 wir Albreht von Lobedeburc . von Liuchtenberc genant der alteste .
bekennen offenbærlîche in diseme
5,2 brieve . unde wollen daz iz wizzentlich sî allen den di in gesehen eder di in
gehoeren lesen . daz wir
5,3 unseme lieben bruodere . bruoder Johannese der bredigære ordenes / des
erbes . daz unse vater ûf uns beide
5,4 geerbet hatte . drî marke geltes gelâzen haben alle jâr die wîle er lebet . zuo
Jenê in der stat .

- 5,5 unseme teile . durch daz er in sîneme ordene dâ er zuo gekoren hât gote
zuo dienenne sîne nôtdurft
- 5,6 deste baz müge gehabt . unde ouch dâr umbe daz er sich aller anesprâche
verzihe an anderme
- 5,7 unseme erbe . unde den zins hât ime Kuonrât von Rôde . unde Kuonrât
Schetîn . unde Johannes Vranke .
- 5,8 gelobet . di zuo deme mâle an deme râte wâren . von unses teiles wein . dô
er sich began / unde ditz
- 5,9 geschach . wir haben uns ouch verbunden unde verbinden uns in diseme
brieve dâr zuo ob ime zuo Jenê
- 5,10 dirre dinge kein bruch würde von keiner hande sache . daz wir ime daz
ervüllen wollen unde schulen
- 5,11 an einer anderen stat ûf unseme erbe daz er vore genanten zinses âne aller
slahte hindernisse gewis
- 5,12 belîbe die wîle er lebet dirre dinge sîn geziuge unse liebe vater . unde unse
sweher hêrr Vriderîch von
- 5,13 Schoenenburge . unde unse êrhafte man . Heinrîch von Glîne . Otto Holt
. Heinrîch von Liechtenhain . unde
- 5,14 Kilian von Gornewitz . unde unse burgære zuo Jenê Kuonrât Reinvrit Tyzel
Vranke unde Johannes von Niuwenburc
- 5,15 unde ander êrhafte liute . dirre dinge zuo eineme gewissen urkûnde haben
wir deme vore genanteme
- 5,16 unseme lieben bruodere . bruoder Johannese der bredigære ordenes disen
briev der dâr über geschriben ist .
- 5,17 gegeben . unde haben unse ingesigel unde unses vore genanten swehers
ingesigel dâr an gehenget zuo
- 5,18 einer gewissen stâticheit . dise dinc sîn geschên nâch gotes gebûrte tûsent
jâr . drî hundert jâr . unde
- 5,19 in daz drîzigeste jâr
- 6,1 wir Heinrîch der alteste . unde Heinrîch der jungeste di genant sîn di vôte
von Wîda . bekennen unde geziugen offenbærlîche in diseme
- 6,2 brieve . daz mit unseme wizzene unde mit unseme willen . di prîorinne
unde ire samenunge der gotesdienærinne zuo Wîda in unserre stat
- 6,3 predigær ordenes . abe gekoufet haben Lintenberge unseme getriuwen
manne mit gunst alle der di iht rehtes mit ime dâr an hatten
- 6,4 einen vierdunc . unde zwuo marke geltes des jâres . di er von uns zuo lêhene
hatte zuo Bernhartesdorf in unseme stetelîne . in di marke geltes umbe
- 6,5 siben schocke groschen . unde wir haben durch got unde durch unserre
unde unser vordern sêle heil . unde ouch durch Lintenberges willen ime
- 6,6 zuo guote . den selben zins der vore genanten samenunge geeigenet unde
eigenen in in diseme brieve . alsô bescheidenlîche daz wir unser gerihte
- 6,7 ûf deme guote behalten nâch statrehte alse zuo Wîda . wære aber daz wir
der selben samenunge alsô vile besatztes zinses mohten bewîsen
- 6,8 unde daz tæten . swenne wir iz getæten . sô scholte der genante zins zuo
Bernhartesdorf uns ledic sîn . unde daz guot daz wir dâ wider
- 6,9 bewîset hetten . daz scholte der samenunge mit gerihte unde mit alleme
rehte âne halsgerihte aleine . êwiclîche unde eigenlîche belîben alse ander

- 6,10 ire guot daz in geeigenet ist . hier über haben wir zuo einer bevestenunge
unde zuo einer bestätigunge disen brief gegeben mit anhangunge unserre
6,11 ingesigel . unde mit geziugnisse bruoderes Heinrîchs der bredigær ordenes
mîn des altesten vôtēs bruoderes . unde mîn des jungesten vôtēs veterē .
6,12 unde Heinrîches von Lome . Bernhartes von Bercouwe . Kuonrâtes
Kaschwitzes . Johannis Tulpen unde sînes sunes Johannes . unde Heinzen
Koufmannes
6,13 unde anderre êrhaften liute . nâch gotes geburten tûsent jâr . drî hundert
jâr . unde in daz zwei unde drîzîgste jâr .
- 7,1 wir Heinrîch der alteste . unde Heinrîch der jungeste . beide genant di –
vôte von Wîda . bekennen .
7,2 unde beziugen offenbærlîche in diseme brieve daz uns hêrr Kuonrât von
Kokeritz hât ûf gelâzen daz guot
7,3 daz hê zuo lêhene von uns hatte zuo Rûdorf unde zuo Kovelē unde hât uns
gebeten in sîneme brieve daz wir
7,4 iz vûre sîne unde sîner vordern sêle eigenen der samenunge zuo Wîda der
klôstervrouwen predigær ordenes durch
7,5 sînes dienestes willen – daz hê uns unde unsen alteren hât getân . alsô
bescheidenlich . daz Juttê sîn tohter
7,6 unde ire swesterkint in deme selben klôstere schulent zuo ireme lîbe daz
guot in nemen . unde dâr nâch zuo nutze der samenunge
7,7 êwiclîchen dienen . also ander ire eigenguot tuot . des haben wir sîne bete
unde sînen willen getân . unde
7,8 haben iz dâ hin geeigent êwiclîche in alle der wîse allsô hier beschriben stêt
. nâch gotes gebûrte tûsent jâr . drî hundert
7,9 jâr . in daz drî unde drîzîgste jâr des sint geziuge bruoder Heinrîch von
Wîda bredigerordenes . bruoder Jakop
7,10 von Lukon des selben ordenes . bruoder Heinrîch der pfarrær zuo sancte
Pêtere . Gêrhart von Lome . Luppelin von Mosen unde
7,11 – andere biderbe liute .